



08561

梁溪先生文集卷第六十六



特進觀文殿大學士致仕隴西郡開國公食邑  
四千四百戶食實封一千七百戶贈太師諡忠

定李綱著

奏議

具荆湖南北路已見利害奏狀

乞措置招捕虔州鹽賊奏狀

乞存留程昌禹依舊知鼎州奏狀

乞令韓世忠不拘路分前去廣東招捕曹成奏

梁溪先生文集卷第六十六

狀

乞令韓世忠相度入廣西招捕曹成奏狀

具陳湖南北路已見利害奏狀

奏議

定李綱著

四千四百戶食實封一千七百戶贈太師諡忠

特進觀文殿大學士致仕隴西郡開國公食邑

梁溪先生文集卷第六十六

具荆湖南北路已見利害奏狀

今具荆湖南北路招捕盜賊拘循歸業之民經營控禦措置錢糧已見利害下項

一准福建江西荆湖南北路宣撫使司關荆湖南路馬友約六萬餘人馬數千疋船數千隻見

在潭州李宏約一萬餘人見在岳州曹成約十

萬餘人見在道州劉忠約一萬餘人見在岳州

平江潭州瀏陽界出沒作過胡元奭三千餘人

見在茶陵界上李冬至餘黨五千餘人見在郴

梁谿全集

卷五

二

連界上荆湖北路楊華約一萬人雷進約八千

餘人劉超一萬二千餘人見在鼎澧州界已上

約二十餘萬人其餘接境去處千百爲羣又不

在此數盜賊之衆如此非得重兵制禦彈壓使

之畏威不敢猖獗然後可以招納爲用而遽欲

以恩意姑息懷之臣未見其可也今福建江西

荆湖宣撫司臨以重兵理當聽命訪聞馬友一

項人馬卽日見在潭州視諸處頭項頗爲循理

宜先次招納稍加旌賞以勸其餘劉忠一項人

馬號白氈笠卽日見在岳鄂潭袁諸處界上屯  
泊出沒作過自知罪大不能自新嘗於旗上有  
永不伏招安之語此一項最爲桀黠猖獗數州  
之民皆被其害宜先次討蕩使其餘知所懲創  
胡元奭一項已爲提刑呂祉會合殺散劉超  
項已爲鼎州帥臣程昌禹遣兵逼逐出境未知  
所向自餘李冬至鍾相餘黨楊華雷進逐項賊  
黨招納討定當隨宜措置外惟曹成一項狡獪  
慘酷尤甚屢招屢叛所至以人爲糧靡有噍類

梁谿全集

卷五

三

卽日見已起離道州侵犯廣西賀州界分緣廣  
南州縣素無城郭人兵孱弱深慮乘虛遠引爲  
二廣之患宜先遣曉事官吏使齎朝廷所降勅牒  
黃旗金字牌先去撫諭示以禍福許之自新如  
聽伏招納卽依金字牌上聖旨處分將所被虜  
及老不堪披帶人經所屬給據放散外其實堪  
披帶出戰人結成隊伍並聽宣撫司使喚具首  
領姓名推恩外其首領理須撥隸諸將下隨材  
錄用不堪披帶出戰之人尙堪執役之人合刺

充廂軍分隸諸州其揀退老弱不堪執役之人  
給公據放散如係東北人無業可歸合就近分  
送州縣居住將天荒戶絕拋棄逃亡係官田土  
措置給與耕種借貸種糧務令存恤得所昔東  
晉朝北方流人皆置僑寓州軍以處之蓋流人  
與土著盜賊不同放散無所歸又須結集爲盜  
全藉州縣官用心循拊自當復爲良民伏乞朝  
廷更賜詳酌指揮其李宏一項元隸馬友今已  
將帶一行人馬擅往岳鄂亦乞依此施行如不

梁谿全集

卷五

四

伏招納依舊作過卽乞多發兵將會合掩殺以  
殄滅爲期如此則荆湖盜賊不踰時可定緣臣  
所得聖旨指揮令相度由廣東前去之任因令  
撫定廣南州軍見已具奏申明若自廣南前去  
卽荆湖事無由措置深慮有失機會伏望聖慈  
特降睿旨作朝廷行下付福建江西荆湖宣撫  
司密切措置施行

一勘會荆湖南北路州縣居民近年以來初遭鍾  
相孔彥舟作過遷徙失業重以馬友曹成李宏

劉忠劉超楊華雷進十數頭蹂踐搔擾民不  
聊生湖南潭衡全邵道永郴桂陽湖北岳鄂鼎  
澧并屬縣等例皆殘破民居存者百無一二田  
土荒蕪財穀匱乏將來盜賊平定之後若不極  
意招集料理使之歸業墾闢耕鑿以望歲豐則  
破殘州縣卒未就緒欲乞朝廷特降勅榜曉諭  
應歸業之民委實曾經兵火不曾種時去處與  
免將來冬苗租稅無力耕種貧不能自存者官  
貸種糧隨物力等第約度數目支給候將來成  
孰隨料回納入官逐州見今起發上供錢絹銀  
等委是無從而出特與權免一次檢踏田土支  
散錢糧官吏奉行不得滅裂搔擾重置於法務  
令實惠及民使一方曉然知朝廷德意所在契  
勘荆湖土地沃衍最爲出產穀米財物止緣累  
年盜賊失於措置遂至凋弊朝廷稍寬目前之  
急不惜賑貸之費假以年歲漸次復舊國用何  
患不饒如合聖意伏乞特降指揮施行

一荆湖之地綿數千里南通二廣西引四川北控

襄漢東接江淮自昔號爲上流諸葛亮謂之用  
武之國今朝廷保有東南制御西北荆湖諸郡  
如鼎澧岳鄂連荆南一帶皆當屯宿重兵倚爲  
形勢使四方之號令可通襄漢之聲援可接乃  
有恢復中興之漸今福建江西荆湖路宜撫使  
司之兵將來平定盜賊之後復還行在臣畫一  
內所降指揮踏逐乞兵不滿萬人若到本路兼  
得岳飛吳全韓京吳錫等兵方能僅及二萬之  
數分屯布依沿江要害去處深慮不足伏望聖

梁谿全集

卷六

六

請  
慈許臣候到本路相度形勢圖上方略別行申

一契勘荆湖兩路當盜賊兵火之後物力大屈今  
來養贍官吏軍馬賑貸歸業之人修治官府城  
壁器械之類百色用度並皆未有指擬去處朝  
廷欲以二廣經理荆湖固爲得策然廣南素號  
瘠薄穀米不多財用實乏加以比年應副朝廷  
湏索尤覺困匱借使竭力剗刷所有幾何今又  
盜賊未弭道路不通卒未可以挪移應副近准

尙書省劄子許於吉州權貨務支銀一萬兩錢  
一萬貫此但可以支目前之用若要支吾年歲  
間非於江西鄰近湖南州郡權宜應副決不能  
有濟伏望聖慈特降睿旨令於筠袁虔吉等州  
應副米十萬石於轉運司及吉州權貨務應副  
銀五萬兩錢十萬貫接續支使庶幾不致闕誤  
右謹錄奏聞伏望勅旨

乞措置招捕虔州鹽賊奏狀

右臣准尙書省劄子節文四月七日三省同奉聖旨

梁谿全集

卷矣

七

令李綱將帶軍馬疾速起發依已降指揮相度由汀  
道州就令撫定廣東經過州軍前去之任臣已依稟  
聖旨行下廣東州軍勘會見今盜賊數目屯泊作過  
去處措置招捕外訪聞廣東盜賊一項犯南雄英韶  
等州一項犯循梅惠等州動以萬計殘破諸縣殺害  
平民皆是虔州諸縣平時般販私鹽之入其初千百  
爲群入廣東界擄掠牛畜財物之類巡尉弓兵不切  
用心捉殺使之厚有所得而歸復爲平民虔州守令  
亦不誰何累歲如此浸淫不制今年遂至有萬餘家

入南雄英韶者圍郡城劫岑水塲而去入循惠者破龍川長樂與寧河源博羅等縣直抵循惠城下至今猶未復歸巢穴原其所以致此皆由州縣弛慢之故今若將欲鋤其根本須就虔州措置掃蕩巢穴誅其首惡乃可懲艾臣見具奏申明經由道路如蒙朝廷依臣畫一內所乞踏逐數項兵七八千人可以由廣東前去卽乞許臣到虔州官吏兵將並權聽臣節制庶幾可以施設方略治其本源下流自然無患如合聖意伏乞特降睿旨施行

梁谿全集

卷五

八

乞存留程昌禹依舊知鼎州奏狀

右臣准尙書省劄子節文二月二十七日三省樞密院同奉聖旨荆湖東西路依舊爲荆湖南北路逐路州軍除分鎮縣餘並依舊制內湖南依舊潭州置帥李綱兼本路安撫使餘依已降指揮湖北於鄂州置帥劉洪道除徽猷閣直學士差知鄂州充荆湖北路安撫使程昌禹罷湖西安撫其所管車馬盡數交割與劉洪道訖發來赴闕臣契勘荆湖北路爲鍾相孔彥舟劉超雷進楊華等盜賊連年殘破殺戮官吏所

餘無幾除辰沅靖州係深入溪峒州軍外惟鼎州昨帶湖西路安撫使係右朝散郎直龍圖閣程昌禹在任二年措置討捕楊么楊華鍾相餘黨殺散劉超逼逐出境招納彭筠六千餘人一方粗定頗見宣力今來有指揮罷赴行在雖遠方不知事因詢之衆論以謂昌禹在鼎州實有功效別擇守臣未必能知首尾或致誤事兼契勘荆湖北路安撫司移就鄂州其鼎州舊帶鈐轄如劉洪道知鄂州充湖北路安撫使程昌禹知鼎州充湖北路兵馬鈐轄聽受節制自不相妨伏

梁谿全集

卷五

九

望聖慈特降睿旨且令昌禹依舊在任如已差官亦乞別降指揮施行

乞令韓世忠不拘路分前去廣東招捕曹成奏狀

據廣南東路安撫使林適四月某日劄子節文契勘

曹成賊馬三月二十七日自道州侵犯臨賀遣兵四

七作九

出見屯兩路要害去處今兩路兵力單少素不練習西

路尚有峒丁刀弩手可用至如東路鎗杖手名籍雖

存其實農夫豈可出戰除已逐急發兵控守關扼然

賀州勢在上流南入連英東下封康不數日便至番

聞今來封連探報事愈危急准樞密院劄子差高舉  
一項兵應援二廣並未見人界除已統率人兵旦夕  
就道至封康以來防遏外乞撥高舉人兵星夜前來  
應援庶幾保全二廣又據廣南東路轉運判官章傑  
四月十四日申探報曹成賊馬分作三頭項透入賀  
州富川縣侵犯賀州殺人放火劫虜人民賊勢浩瀚  
乞催發高舉人馬兼程前來會合捉殺免致奔衝又  
據廣南東路轉運判官章傑四月十四日申探報曹  
成賊馬四月初三日乘牌船過水東入賀州放火燒  
本州敵樓戰棚及居民屋宇等賀州知州及本州官  
盡出州城下水前去乞速差兵前來救援又據廣南  
東路轉運判官章傑四月十六日申據廣州懷集縣  
四月初一日曹成賊馬侵犯縣界合佐等將帶弓  
級保甲鎗手等前去迎敵賊衆浩瀚勢力不加遂致  
潰散其賊兵直衝突占據本縣廣州事勢危急乞催  
發高舉人兵疾速前來應援者

右臣所據廣南東路安撫使林通轉運判官章傑公  
文探報曹成賊馬次第備錄在前契勘臣昨准尚書

省劄子除臣荆湖廣南路宣撫使於韓世忠下撥高  
舉一項兵馬八千餘人聽臣節制續准指揮改差任  
仕安將帶所部軍馬隨逐前去之任其任仕安下人  
兵元管二千八百餘人又爲福建路安撫使陳乞統  
領官陳照馬準下一千五百餘人存留福建其餘止  
有一千三百餘人委是單少臣已具奏辭免恩命未  
敢申陳今來蒙恩差入內侍省西頭供奉官于蓋  
前來降賜敦遣就道臣仰迫天威已祇受告命擇日  
開司朝夕啟行今據廣東路高申報曹成賊馬已破

梁谿全集

卷六

十一

賀州占據懷集縣係廣州屬縣事勢委是危惡帥臣  
林適稱親自率兵前去封康州防托切慮未足倚仗  
其廣州繁富號爲東南都會雖有可守城池若帥臣  
已去誰與固守實爲可慮臣方受命之初道里遼遠  
又所得任仕安兵纔千餘人難以分撥應援雖已遵  
依近降指揮許依江東路安撫大使畫一差兵二萬  
人旋行踏逐方具奏請聽候指揮無由目下便得齊  
集深慮應援有失機會曹成賊馬爲二廣之患滋大  
萬一廣州或致失守自餘州郡多無城池皆須望風

奔潰其害有不可勝言者臣輒有愚慮仰瀆天聽臣竊見福建江西荆湖宣撫副使韓世忠行軍整肅忠勇有謀曹成劇賊十餘萬衆除老弱脅從婦女外能戰兵尚三萬餘人使其餘將士當之未必能有濟欲制此賊或招或捕非世忠不可今世忠統兵已到虔吉筠袁間深恐拘礙路分止在荆湖不敢前去廣南則曹成爲二廣之患其勢未艾伏望聖慈矜憐廣南兩路生靈之衆在今日爲朝廷腹心之地不可不早加料理特降睿旨令世忠不拘路分量留人馬照應荆

梁谿全集

卷六

七

湖外盡將所部取便道前去應援廣東措置曹成一則軍馬已集可以目前使喚二則道里已近可以指期而至臣愚竊謂朝廷今日應援廣東之策無以加此又廣東素號瘠薄應副大軍錢糧必致闕乏世忠旣行福建江西荆湖宣撫司將剗刷到錢糧可以通融應副此又軍期所須之大者如合聖意乞作朝廷措置用金字牌入遞付世忠施行臣已具奏遵稟聖旨許依江東安撫大使畫一指揮踏逐人兵如蒙朝廷應副亦乞用金字牌降下勅劄庶幾早得齊集可

以與世忠聲援相接二廣早見平定

小帖子

契勘福建江西荆湖宣撫司與荆湖廣南宣撫

司兩司不相節制如蒙聖慈從臣所請令韓世

忠前去廣東招捕曹成乞降指揮令與臣關報

事宜同共措置庶幾不相違戾有所協濟仰副

委任之意伏候勅旨

乞令韓世忠相度入廣西招捕曹成奏狀

今月二十七日准尚書省劄子江南西路安撫大使

梁谿全集

卷六

三

李回奏繳到岳飛狀准江南西路安撫大使司牒三

月二十二日准樞密院三月四日劄子奉聖旨令岳

飛到袁州更切酌量賊勢如賊兵衆且於袁州駐劄

候宣撫司人馬到同共進兵如曹成已受招安起發

赴行在卽與馬友會合同共勦殺劉忠訖續往潭州

無致稍失機會却致賊兵破壞二廣飛一行軍馬已

到衡州茶陵縣不住承准郴衡州桂陽監等處關報

及飛亦差人體探得曹成已發兵馬取三月十九日

起發往全永州侵犯廣西界分并前軍人馬往賀州

路前去其曹成中軍見在道州未有的寔起發月日  
見不住放人四向擄掠殺人放火似此顯見曹成未  
肯便赴行在意欲侵犯二廣作過今准前項公牒奉

聖旨指揮絲一行官兵已過袁州地里稍違兼續於

五二作三

四月初五日准荆湖東路提刑司閔報探得曹成賊

馬已起離道州前去廣西飛除已差人體探仔細

外今已進發往郴州桂陽監已來駐泊如曹成不赴

行在未及入廣西飛便行措置進兵掩殺若曹成已

入廣界不審令飛一行軍馬如何施行已具錄奏聞

梁谿全集

卷六十一

十四

伏望聖慈特降睿旨付飛責憑遵依施行

右勘會近據岳飛申到前項事理勘會曹成一行雖

有五萬餘衆其少壯之人止僅二三萬四月二十六

日已奉聖旨令岳飛更切探伺如曹成委是不肯赴

行在已侵入廣南地分卽統率諸頭項軍馬取徑路

併力追襲掩擊務在從長措置保護二廣無致稍失

事機破壞廣南州縣仍令廣南東西路帥臣依已降

指揮起發逐路峒丁刀弩手將兵士軍弓手民兵疾

速躬親統率前來界首與岳飛會合併力夾擊并剗

與孟庾韓世忠及臣措置施行者

石臣近據廣南東路安撫使林邁轉運判官章傑申探報曹成賊馬已破賀州侵犯廣州界分占據懷集縣廣州事勢危急乞發兵應援臣已具奏聞竊見韓世忠治軍嚴整忠勇有謀少見其比乞令不拘路分統率大兵前去廣東應援措置招捕曹成免致廣南兩路破壞州縣外今准樞密院劄子備奉前項聖旨令岳飛更切探伺如曹成已侵入廣南地分卽統率諸頭項軍馬取徑路併力追襲掩擊務在從長措置

梁谿全集

卷六

五

保護二廣劄付孟庾韓世忠及臣疾速措置臣已開送福建江西荆湖宣撫使司及劄下岳飛恭依聖旨指揮施行訖契勘曹成一項賊馬最爲桀黠外假聽從招納之名內有包藏窺覷之意占據道州半年有餘侵犯二廣其衆號稱十萬除老弱脅從婦女之外可戰之兵猶有三萬餘人旣爲大兵所逼遂有乘虛深入二廣之計廣西猶有峒丁刀弩手兵將之屬可以控遏廣東兵力寔爲單弱難以支吾深慮州縣望風奔潰爲害不細今雖已降指揮令岳飛統率諸頭

項人馬追襲掩擊竊慮岳飛所率兵數不多錢糧闕乏  
未必能濟非得韓世忠統率大兵前去措置應援及  
將福建江西荆湖宣撫司剗刷到諸路錢糧通融急  
副深恐未能早見招捕了當兼契勘曹成本係荆湖  
盜賊只緣大兵所逼遂犯廣南若拘以路分謂目今  
作過不係荆湖地分卽是以隣國爲壑恐非朝廷銷  
弭內患之意臣今欲乞自朝廷降指揮令世忠相度  
如大兵目今已在湖南及筠表間卽由全永入廣西  
路自桂府順流以趨廣州如大兵目今在虔吉間卽  
由南安南雄英韶路順流以趨廣州可以遏賊之衝  
令岳飛統率軍馬由道賀追襲其後臣如蒙朝廷應  
副畫一內所踏逐兵勾抽齊集亦可以由虔吉英韶  
前去封康循惠間隨宜措置禦賊奔迸與之協力進  
討不數月間須見了當却由便路趨湖南措置其餘  
盜賊不難平定伏望聖慈持降睿旨詳酌施行

小帖子

臣契勘廣南西路五十餘州舊號荒遠在今日  
實爲要地今曹成侵犯若不早加措置招捕了

當竊恐兩路州縣爲賊殘碎卒難經理兼兩路  
皆有獠人溪峒秉勢必須作過廣西與交趾相  
隣恐亦有所窺伺道里去朝廷最遠將來兵力  
難及朝廷不可不深留意於此伏乞聖察

梁溪先生文集卷第六十六

梁谿全集

卷六十六

七

續又障我不可不深留意於此伏乞聖察

續又障我不可不深留意於此伏乞聖察

續又障我不可不深留意於此伏乞聖察

續又障我不可不深留意於此伏乞聖察

梁溪先生文集卷第六十七

特進觀文殿大學士致仕隴西郡開國公食邑  
四千四百戶食實封一千七百戶贈太師諡忠  
定李綱著

奏議

賀天申節表

天申節功德疏

乞以江西錢糧應副荆湖贍軍奏狀

乞降旨林通刷下錢糧米存留本路支用奏狀

梁谿全集

卷七

一乞差內侍一員承受發來文字奏狀

將帶軍馬之任奏狀

再乞差使臣齎旗榜招撫曹成及論招捕盜賊

奏狀

奏乞依近降指揮乞兵二萬人措置招捕曹成奏

狀

乞撥顏孝恭軍馬付本司使喚奏狀

乞差撥兵將前去廣東招捕曹成奏狀

賀天申節表

臣綱言伏遇天申節者帝出乎震與物爲春天作之君惟民其父適屆誕彌之月咸傾善禱之心矧蒙睿王之知嘗叨近輔仰祝聖人之壽敢後華封臣綱誠歡誠忭稽首頓首恭惟皇帝陛下德合乾坤明並日月昭受惟新之命圖回復古之風以堯舜之用心法高光而建業照臨四海咸當震育之辰壽考萬年永篤家邦之慶而臣謏蒙中詔徃守南藩莫陪賀鷺以稱觴徒效葵藿之傾日

梁谿全集

卷叁

二

天申節功德疏

右伏以星虹流渚式昭誕聖之期鸞鷲鳴岐允協興王之運四海慶華封之祝一人膺景命之祥必藉勝因仰資睿算皇帝陛下伏願後天難老長居覆燾之功與物爲春永寶好生之德復文武之境土享堯舜之歷年萬壽無疆四方來賀

乞以江西錢糧應副荆湖贍軍奏狀

右臣伏蒙聖恩除荆湖廣南路宣撫使兼知潭州於潭州置司竊原朝廷令臣宣撫四路之意蓋緣荆湖

南北兩路累年爲盜賊蹂踐州縣殘破錢穀闕絕欲  
令將廣南東西兩路財賦經理荆湖使之養兵賑民  
葺理州縣早得就緒規畧甚遠今則不然荆湖盜賊  
如曹成一項十數萬人旣壞荆湖諸州又侵廣南界  
分破擾連賀侵逼廣州其勢未艾非得大兵會合未  
易招捉罄廣南兩路財賦經理應副支遣尙恐闕乏  
豈復有餘可助他路是今日逐路事勢與朝廷前日  
措置經理之意全然不同已具奏聞乞以江西錢米  
應副荆湖伏望聖慈特降睿旨檢會臣前奏特賜指  
梁谿全集

卷七

三

揮施行

乞降旨林通刷下錢米存留本路支用奏狀

右臣准尙書省劄子節文廣南東路轉運判官章傑  
劄子爲張忠彥兵二千餘人見在英韶州駐劄錢糧  
闕乏應副不行乞行措置劄送臣本司措置施行除  
已依稟措置外契勘廣東雖號薄瘠財用不足然張  
忠彥兵纔二千餘人豈有遂至應辦不行之理將行  
大軍前去招捕曹成何以應副支遣訪聞廣東路安  
撫使林通被受指揮總領諸司錢物應副買米糴米

之類將諸州錢物盡行剗刷拘占遂致贍給軍民錢穀不足今來曹成賊馬侵犯廣東勢須用兵討捕若非通融移挪諸州錢米應副支遣必致闕乏有誤國事伏乞朝廷勘會如林邇委會得前項指揮卽乞特降睿旨令未得施行已椿管錢並未得起發且存留本路應副大兵支用候將來盜賊平定財用有餘別行相度措置庶幾不致闕誤

乞差內侍一員承受發來文字奏狀

右臣伏蒙聖恩除臣荆湖廣南路宣撫使見起發前去之任竊緣荆湖廣南見今軍興招捕盜賊朝廷剗降指揮與本司奏請文字皆係軍期急速荆湖南北

梁谿全集

卷五

四

廣南東西四路去行在道里最遠雖入急遞例多稽遲實封奏狀赴都進奏院通進司投進經隔官司伺候時刻亦有留滯竊慮由奏事宜等待報應坐費時月有失機會伏望聖慈特降睿旨許臣申奏如係事干軍期急速聽徑赴內侍省投進差入內內侍省一員專一承受所有朝廷剗降聖旨指揮並用金字牌入急脚遞不得入鋪星夜傳送前來庶幾報應疾速

不致誤事

將帶軍馬之任奏狀

准紹興二年二月八日尙書省劄子二月八日三省  
樞密院同奉聖旨李綱除觀文殿學士荆湖廣南路  
宣撫使兼知潭州仍於本州置司不候受告般家接  
人前去之任逐路兵馬並聽節制仍具已起發及到  
界首文狀申尙書省臣恭依前項聖旨指揮已具奏  
聞擇定五月初六日起發今來已於五月初六日申  
時起離福州將帶統制官任仕安軍馬由南劍州邵  
梁谿全集

卷五

五

武軍迤邐前去之任外須至奏聞者

再乞差使臣齎旗榜招撫曹成及論討捕盜賊  
奏狀

據廣南東路經略安撫使林通申契勘曹成人馬昨  
占據湖南道州後來移軍往廣西賀州駐劄日近常  
遣游騎散行劫掠廣西四郡及迤邐侵入本路封連  
州界兩路居民並各逃散耕種失業今來邇除已恭  
依聖旨指揮一面躬親統率將士等起發前去緣本  
路將兵不滿千人近蒙朝廷令宣撫司分撥高舉

兵馬應援累遣催促至今未見到來其曹成賊馬動是萬衆竊慮支吾不前蹂踐州縣卒未休息爲本路生民之患近承廣西經略許中牒據曹成狀供申吳宣撫已被受朝廷詔旨令赴行在乞行發遣後來宣撫司已出給發遣曹成前去行在一宗文字付曹成於三月二十日起發到宜遠縣因知道州向子忝將近降捕捉賞太書揭榜路傍致曹成復回賀州爲無糧食不免散行抄掠近聞曹成軍中頗有自新之意邇除已逐急具狀奏聞乞速降指揮差官由廣東路前來招撫曹成一軍除放散擄掠外所有堪用之人精選少壯亦得添助朝廷勾喚使用不惟保護兩路財賦全活數州百姓而戢兵安民爲利實大申本司乞速賜差官前來招撫以紓兩路之急須至奏聞

者

右臣契勘昨來荆湖羣盜惟曹成人數最多曹成侵逼嶺外惟廣州事體最重故今日招捕盜賊先後緩急之序臣謂當以經營曹成救援廣州爲急曹成十萬之衆除老弱婦女外能戰之兵不下三萬今據廣

南東路經略安撫使林通前項申述已侵入本路封  
連州界若便行進兵掩擊賊必聞風奔衝南向不唯  
先犯廣州而廣南東西兩路州縣必皆受害臣謂經  
營曹成軍馬先須招撫爲策之善緣招安巨寇必得  
重兵先張形勢示以國威使之畏伏若止欲懷以姑  
息之恩賊衆必不肯投戈解甲分散徒黨如此則目  
前名爲招安必貽後日之大患臣請以近事驗之昨  
趙延壽未到德安府願從陳規與撫諭官馮轡招安  
旣近州城覘知德安兵數不多遂乘規出城餞轡輒

梁谿全集

卷五

七

謀驅虜規僅以身免官更多爲延壽所得張琪自繁  
昌歷建康湖杭千有餘里必要赴呂頤浩軍前招安  
劉光世韓世忠等招之皆不聽命假道徽州不敢入  
城秋毫無犯其意可謂確矣及至祁門浮梁見王師  
古等兵衆不多遂劫盟以執師古直犯饒州賴閻臯  
力戰方退復領餘黨猖狂於宣徽之間久之方定可見  
盜賊狼子野心叛服無常要當壓以重兵始免反覆  
臣蒙恩除荆湖廣南路宣撫使兼知潭州見今止有  
撥到任仕安一頭項軍馬計一千三百餘人雖已具

奏遵依近降聖旨指揮許依呂頤浩昨任江東安撫  
大使畫一踏逐軍馬至今未奉回降指揮其元降聖  
旨許就用吳敏措置下兵糧體問得除廣西見在兵  
將外亦別無措置下軍馬道路爲遠見今阻隔卒難  
辦集竊恐遷延日月賊勢益張而臣誤蒙委寄之重  
深慮事失機會若一處帥府失守益難料理乞降睿  
旨從臣所乞踏逐軍馬外更自朝廷差撥一軍整齊  
兵將付臣使喚臣又嘗奏論韓世忠忠勇有謀治軍  
嚴肅可以倚仗今若委世忠進發廣東以援廣州使  
臣同共措置招撫則曹成之衆可以放散老弱揀擇  
強壯充兵分隸軍中指日可定緣世忠係宣撫福建  
江西荆湖路非得朝廷指揮恐不敢出本路界以援  
二廣不惟二廣州縣未甚殘破速當保全而荆湖劇  
賊皆視曹成以爲叛服若招撫曹成已定全得二廣  
則荆湖兩路盜賊或招或捕皆易爲力顧曹成桀黠  
擁衆數萬非世忠全軍聲勢之壯未易使之聽從臣  
前所謂當以經營曹成救援廣州爲急者此也臣前  
已遣人齎金字牌黃旗黃榜前去荆湖委岳飛差人

入曹成軍中招諭計程不久當還又慮道路或有阻  
節今據林通前項申述臣已速急再遣人齎金字牌  
黃旗黃榜由廣東路前去招撫曹成伏望聖慈詳酌  
前後奏請早降睿旨施行臣見起發建昌軍等處聽候  
指揮

小帖子

契勘荆湖州縣殘破略遍二廣帥府各係全盛  
處若蒙朝廷許令韓世忠前去救護卽乞降指  
揮指定從虔韶州路赴廣州屯泊免致賊馬奔

梁谿全集

卷七

九

衛保全廣州卽廣東州郡皆恃以安伏望睿慈  
詳酌早降指揮

乞依近降指揮乞兵二萬人措置招捕曹成奏  
狀

淮樞密院閏四月二十六日劄子福建江西荆湖南  
北路宣撫使司申契勘曹成占據湖湘之久已奉聖  
旨發赴行在近因岳飛倚本司大軍之勢提兵壓境  
遂致疑貳遽領羣黨南去今收李回書報已犯連州

臆度其計決窺二廣且軍興已來郡邑多經殘破二

廣幸無兵火深慮民物將被其害伏望聖慈速賜處  
旨措置施行勘會宣撫司大兵未到湖南之時曹成  
已是不伏招安不肯前來赴行在侵犯二廣勢已猖  
獗遂降指揮令岳飛統率諸頭項人馬前去掩擊又  
據探報曹成賊馬已占據賀州侵犯昭連州界作過  
續降指揮令岳飛依已降指揮取徑路前去廣南併  
力追襲務要早得殄滅不致侵擾州縣其合用錢糧  
委逐路漕臣多方那融協力應副仍劄與宣撫司去  
訖今來宣撫司人馬約程已到湖南閏四月二十四

梁谿全集

卷五

十

日奉聖旨合宣撫司斟酌賊勢如岳飛孤軍難以破  
賊卽疾速分撥人馬前去策應務要勦除淨盡保全  
二廣仍劄與李綱疾速由廣東前去保護本路及合  
宣撫司期約廣西許中起發本路軍兵及峒丁等併  
力會合掩殺去訖劄送臣依已降指揮疾速施行須  
至奏聞者

右臣契勘昨奉聖旨令相度取道廣東之任就令撫  
定廣東州縣臣已遵依相度奏聞未奉回降指揮聞  
據廣東經略安撫使林通申曹成侵犯賀州及懷集

縣已具陳述措置曹成扈捕利害奏聞外今准前頂  
指揮臣已恭依聖訓起發前去廣東界州措置撫定  
緣臣見帶軍馬止有任仕安一項計一千三百餘人  
除火頭輜重外結成隊伍不滿千人雖依朝廷近降  
畫一指揮踏逐人兵並未蒙差到亦無近上可使將  
官委是兵力單弱使喚不行其曹成賊馬萬數浩瀚  
設若不就招撫爲岳飛等逼逐奔突二廣廣西猶有  
峒丁土兵刀弩手等可以防遏廣東將兵孱弱除廣  
州外其餘州郡並無城壁可守非得重兵豈能挫遏

梁谿全集

卷五

賊鋒保護兩路況臣誤蒙聖恩宣撫荆湖廣南委寄  
之重深慮無以遠將明命宣暢國威使巨寇望風震  
服萬一與賊相遇勢當掩擊亦須軍馬依布得着方  
免疎虞兵法十則圍之倍則戰之今以千兵而當十  
萬之衆是以一當百雖古名將能以少擊衆亦難成  
功况臣書生不諳行陣徒以嘗備位宰相特蒙棄瑕  
錄用使之撫定一方今日職事動繫國體與戰將偏  
師僥倖一時之利者自不同利其所乞之兵未敢全  
望依朝廷近降畫一指揮滿二萬人數時下且得萬餘

人分爲五軍粗成軍容張大聲勢鼓行而南庶幾亦可指授將佐乘機制變施設方略保全二廣仰寬陛下南顧之憂若止令臣以任仕安干餘衆苟且將帶前去竊恐虛受重責伏望聖慈矜察特降睿旨檢會臣依近降畫一累奏踏逐將兵早賜指揮吏自朝廷差撥一軍整齊兵將付臣使喚臣見迺邇前去聽候回降指揮

小帖子

臣契勘樞密院劄子內備奉聖旨令福建江西

梁谿全集

卷五

十一

荆湖宣撫司斟量賊勢分撥人馬策應岳飛上頂所差兵令自南雄英韶前去廣州稍可捍禦賊馬保全廣東乞降睿旨令差撥隨逐臣前去聽受節制庶幾藉其兵力諸事易爲措置如蒙聖旨允臣所請乞用金字牌降下施行  
乞撥顏孝恭軍馬付本司使喚奏狀

右臣契勘昨奉聖旨許用江東安撫大使呂頤浩畫一指揮內一項踏逐差兵二萬人臣本司已具奏踏逐辛企宗閻舉等軍至今未奉回降指揮近聞辛企

宗閻率等軍馬皆已爲福建江西荆湖宣撫使司抽撥分隸諸將無可指準其餘所乞朱師閔郝晟李山等兵人數不多亦未蒙差到今准樞密院劄子緣曹成侵犯封連等州閻四月二十四日奉聖旨令臣徑自廣東前去保護本路緣臣所帶任仕安軍馬止一千餘人兵力單弱事勢急迫別無可以踏逐竊見新除湖北路安撫使劉洪道見將帶崔邦弼顏孝恭兩項軍馬在建昌軍駐泊以鄂州糧食闕乏未曾之任乞降指揮就近撥顏孝恭一項軍馬付臣使喚却就

梁谿全集

卷五

三

江西別撥將兵與劉洪道庶幾臣可以卽行勾喚早得齊集發付廣東兼湖北路軍馬自合聽臣節制伏望聖慈特降睿旨施行

乞差撥兵將前去廣東招捕曹成奏狀

今月二十五日准樞密院五月二日劄子節文廣西路經略使司申節次據統制官楊友等申探報曹成賊馬約十餘萬衆起離道州攻破賀州逼近昭州界分木司除見整齷人馬極力捍禦况曹成數衆賊馬嘯聚日久勢力克盛本路人兵素來單弱委實不敵

難以支吾已累申牒宣撫使李綱廣東路安撫使岳  
飛去外伏望朝廷體念二廣生靈之衆速賜指揮催  
督諸頭項人馬兼程前來與本路兵將併力會合早  
獲撲滅免致賊徒殘破廣南州縣除已具奏聞外候  
指揮小帖子稱照會曹成作過累年既就招安旋復  
變亂者前後凡七八次昨自攸縣驅虜帥臣向子諲  
占據道州挾使移文稱奉帥司指揮移軍就糧及自  
牒廣東州郡節說移軍因依詐出文榜焚戢侵陵其  
實搜源剔藪無有遺類備錄召赴行在詔書申三路  
宣撫李觀文而脩立寨柵濬治濠塹爲遷延之計今  
賀州稍有常平米斛賊既得食姑且偷生旣變之後  
或傳又有奏陳必肆詭說萬一朝廷愛惜生靈許以自  
新非有重兵彈壓驅逐亦未必肯解散伏望特降指  
揮催督諸處大兵速至會合若果就招安卽令解甲  
分散黨類不然則痛行掩殺期於淨盡庶幾兇徒知  
有畏憚勘會已累降指揮令岳飛統率諸頭項人馬  
前去廣南併力追襲其合用錢糧委逐路漕臣多方  
挪移應副聞四月二十四日又奉聖旨令宣撫司勘

量賊勢如岳飛孤軍難以破賊卽疾速分撥人馬前去策應務要勦除淨盡保全二廣仍劄與李綱疾速由廣東前去保護本路及令宣撫司期約廣西許中起發本路軍兵及峒丁等併力會合掩殺去訖令劄送荆湖廣南路宣撫使李觀文依已降指揮疾速由廣東前去保護本路仍具已起發去處日申時樞密院須至奏聞者

右臣契勘昨准尙書省劄子勸會已降指揮福建江西荆湖南北路宣撫使副孟庾韓世忠統率大軍自梁谿全集

卷五

五

温州起發迤邐入江西由洪袁州前去湖南措置盜賊今來新除荆湖廣南路宣撫使李綱見在福州前去之任其經由路分理合照應四月七日三省同奉聖旨令李綱將帶任仕安軍馬疾速起發依已降指揮相度由汀道州就令撫定廣東經過州縣前去之任臣竊詳是時曹成占據湖南道州未曾侵犯廣東界分朝廷之意止是欲臣與孟庾取道相避事體不至相妨近來累承樞密院劄子備奉聖旨以曹成賊馬侵犯二廣攻破賀州逼近封連等州令臣疾速前

去廣東保護本路是今日發遣臣取道廣東之意與  
近降指揮全然不同所將帶軍馬亦須量度事勢添  
差應副竊緣曹成賊馬據湖南二廣諸處申報皆稱  
有十萬餘人朝廷近降指揮亦言能戰之兵約有三  
萬人以三萬必死之寇而使臣以元降指揮將帶任  
仕安下千餘人兵往遏其鋒保護廣南兩路事豈能  
濟除已具奏依朝廷降到許依呂頤浩昨任江東安  
撫大使畫一踏逐兵二萬大旋行踏逐辛企宗閩臬

朱師閔郝最李山等軍馬約八九千人至今未奉回

梁谿全集

卷老

六

降指揮不見得朝廷差撥應副數目竊慮別有拘礙  
占留不足元踏逐之數今來廣東事勢危急臣被奉  
聖旨指揮前去難以等待別行踏逐欲乞朝廷勘會  
應副不足之數速降指揮就江西安撫大使下逐急  
摘那數頭項得力兵馬湊足元數聽臣總領前去廣  
東措置曹成使喚免致往回待報坐失機會其上件  
辛企宗閩臬等軍馬已係福州江西荆湖宣撫司抽  
摘分撥前去如已蒙朝廷差撥應副亦乞明降指揮  
依舊盡數撥還庶幾不誤指揮伏望聖慈特降睿旨施行

小帖子

契勘辛企宗下軍馬類皆精銳但企宗怯懦不能駕馭用之士卒以抑而不用之故多懷怨憤如蒙朝廷撥付臣使喚卽乞別擇近上統制官將領伏望聖察

梁溪先生文集卷第六十七

梁谿全集

卷六十七

七

梁溪先生文集卷第六十八

特進觀文殿大學士致仕隴西郡開國公食邑

四千四百戶食實封一千七百戶贈太師諡忠

定李綱著

奏議

乞令韓世忠統率兵將前去廣東招捕曹成奏

狀

經過邵武軍乞往祖塋展省奏狀

乞差辛企宗等軍馬奏狀

梁谿全集

卷六

乞令韓世忠摘那軍馬量帶輕齎前去招捕曹

成奏狀

乞令岳飛且在潭州駐劄仍乞撥還韓京等軍

馬奏狀

奏議

定李綱著

四千四百戶食實封一千七百戶贈太師諡忠

特進觀文殿大學士致仕隴西郡開國公食邑

梁谿先生文集卷第六十八

乞令韓世忠統率兵將前去廣東招捕曹成奏

狀

准樞密院五月二日劄子樞密院奏勸會據探報曹成賊馬占據賀州侵犯昭連州界作過已降指揮令岳飛取徑路前去廣東併力追襲近約程宣撫司人馬已到湖南閏四月二十四日又降指揮令宣撫司勘量賊勢如岳飛孤軍難以破賊卽疾速分撥人馬前去策應務要剿除淨盡保全二廣仍令劄與李綱疾速由廣東前去保護本路及令宣撫司期約廣西梁谿全集

卷五

二

許中起發本路軍兵及峒丁等併力會合掩殺去訖續據宣撫司申明廣南東西係李綱路分未委合與不合措置已劄下本司自合不拘路分依已降指揮節制諸軍量度賊勢遣發軍馬竭力措置外三省樞密院同奉聖旨曹成係在湖南作過走透入廣東西路其本路宣撫司自合襲逐討殺與李綱協力同共措置劄與李綱孟庾韓世忠照會令劄送荆湖廣南路宣撫使李觀文照會仍依已降指揮疾速由廣東前去保護本路仍具已起發時日申樞密院須至奏聞

者

右臣契勘見遵奉聖旨將帶任仕安所部軍馬前去  
之任取道廣東撫定州縣已於五月六日起離福州  
經過南劍州見今已入邵武軍界近據廣東經畧安  
撫使林通申曹成攻破賀州侵犯廣東州縣有願就  
招撫之意臣本已差官齎朝廷降到勅榜黃旗金字  
牌等前去委自帥漕兩司相度事勢施行緣賊情狡  
獪屢服屢叛不可信仗非得重兵臨之決難制禦已  
累具奏聞乞降指揮令福建江西荆湖宣撫使司分  
撥兵將不拘路分前去招捕又累論奏乞令韓世忠  
親統大兵自南雄英韶前去廣州以來與同共措置  
庶幾可以保全兩路未奉回降指揮今准樞密院劄  
子備坐到前項聖旨指揮與臣奏請之意事體相合  
仰見睿明照燭萬里之外神心經畫動合機會天下  
不勝幸甚除已備錄關送福建江西荆湖宣撫使差  
撥兵將同共措置施行外勘會曹成賊馬萬數浩瀚  
能戰之兵不下三萬人係是朝廷劄到之數見今惟  
有岳飛一項軍馬約一萬餘人前去龔逐約度已到

近地今來福建江西荆湖宣撫司所差兵將須得一  
二萬人更會合許中諸頭項軍馬方能與之力敵又  
須得韓世忠親自統率前去乃有決勝之理竊慮福  
建江西荆湖宣撫司差撥兵將不多及韓世忠非奉  
聖旨指揮不敢躬親前去二廣伏望聖慈檢會臣累  
奏事理更賜詳酌特降睿旨施行

小帖子

契勘今來福建江西荆湖宣撫司撥兵應援廣

東如係韓世忠親行合與臣同共措置外如只

梁谿全集

卷六

四

差撥兵將自合隨逐前去聽臣節制庶幾號令  
歸一不致悞事伏望聖慈特降處分施行

經過邵武軍乞往祖塋展省奏狀

右臣遵奉聖旨將帶任仕安所部人馬前去廣東撫  
定州縣今月二十五日已入邵武軍界緣臣昨起離  
福州日將一行軍兵輜重器甲盡用差船裝載往邵  
武軍以免山路崎嶇般挈之勞今到邵武軍却合差  
撥人夫措置出陸又有本軍老少約計二千餘人欲  
自邵武軍分撥由汀州路往潮州安泊亦合學券差

官部轄前去須留三五日方得辨集契勘邵武軍係  
臣鄉里有祖塋去城七里久不展省已一面措置輜  
重器甲爲陸行計分撥老少往潮州外量帶人從前  
去祖塋展省並不相妨亦無分外留滯日數緣臣見  
統軍馬合具奏知

小帖子

臣契勘自邵武軍由江西路與孟庾韓世忠商  
議同共措置及一就將帶分撥人兵前去廣東  
更無留滯去處惟是去行在益遠日望朝廷回

梁谿全集

卷五

五

降指揮深慮傳遞及專差人道路稽遲所有乞  
用金字牌降下事件伏望聖慈照察特降指揮  
乞差辛企宗等軍馬奏狀

今月二十九日准樞密院劄子勘會曹成侵犯廣南  
作過其廣西見有許中躬親提兵在本路界首把截  
湖南孟庾韓世忠岳飛大兵襲逐遣捕唯廣南軍馬  
單弱竊慮逼逐侵擾事不可緩五月十八日奉聖旨  
令李綱依已降指揮疾速往廣東置司捍寇候孟庾  
韓世忠撫定羣盜訖前去潭州之任臣除已依稟聖

旨指揮前去廣東措置保護須至奏聞者

右臣契勘昨准尙書省劄子勘會李綱前任宰臣已降指揮除荆湖廣南路宣撫使兼知潭州其合申請畫一事件若候條具到來竊慮道路遼遠却致後時四月七日三省同奉聖旨應于合行事件並依呂頤浩昨任江東安撫大使日所得畫一指揮施行內一項許踏逐差兵二萬人臣已遵依聖旨指揮施行踏逐辛企宗閻昴朱師閔郝晟李山等逐頭項人馬約計八千餘人已具奏聞外近又具奏乞抽差劉洪道梁谿全集

卷六

六

下顏孝恭一項人兵及乞逐急於江西安撫大使下摘那數項軍馬應副隨逐臣前去廣東措置招捕曹成賊馬保全二廣並未奉回降指揮今准御前金字牌遞到樞密院劄子許撥還統領官馬準下兵七百餘人外其餘所乞軍馬並未蒙差撥竊慮朝廷係與畫一事件一道滾同降下入尋常急遞是致未曾被受今得旨催促前去廣東捍禦曹成只據目下所有入兵共計二千七百餘人委是兵力單弱何以控遏十餘萬衆賊馬之鋒非得所乞軍馬齊集實難虛受

重責契勘臣所乞兵馬除朱師閱已回行在外其餘  
辛企宗閻臯李山郝晟顏孝恭等兵皆在江西建康  
軍虔吉州如蒙朝廷應副用金字牌降下指揮使臣  
得以因行勾抽將帶前去廣東使喚勒成部伍軍容  
稍整庶幾遠方知朝廷所以遣臣之意曹成或可望  
風招納事繫國體非臣敢私伏望聖慈速降睿旨檢  
會臣累奏踏逐乞兵因依特賜矜允施行臣見自邵  
武軍起發建昌軍撫州以來聽候指揮

小帖子

梁谿全集

卷五

七

契勘臣畫一內元乞辛企宗下兵計四千人近  
聞在路逃散所存不多緣企宗怯懦不能用衆  
致其下人兵多懷憤怨聞臯下兵元約一千五  
百餘人閻臯得罪已爲宣撫司分撥李山下兵  
元約一千人今聞只有六七百人見在虔州其  
李山係委棄邵武軍擅走出江西界之人上項  
三項軍馬如蒙朝廷撥付臣使喚並合別擇統  
制官將領前去所有郝晟顏孝恭等兵皆祇及  
五六百人聞亦見爲宣撫司勾在吉州緣逐項

兵本非福建江西荆湖宣撫司元將帶之數所以臣敢踏逐奏乞差撥如蒙朝廷盡行應副亦不過得三五千人乞依前奏於江西安撫大使下摘那湊足元數庶幾可濟目前之急合具奏

知

臣契勘福建江西荆湖宣撫司與臣本司名號既同責任亦等而兵力事體夙然遼絕臣目今所得兵會不及其一統制官之數今來措置廣

東賊馬雖蒙已降指揮令分撥兵將前去緣非

梁谿全集

卷六

八

臣所部終是難以使喚遠方州縣見兩司事體不一動有觀望亦難號令伏望聖慈特降睿旨檢會臣踏逐元數特行應副使事有可爲之理臣敢不竭盡死節以圖報稱伏乞聖察

乞令韓世忠摘那軍馬量帶輕齎前去招捕曹

不成奏狀

今月二十九日准樞密院劄子荆湖廣南路宣撫使李綱奏契勘曹成一項軍馬侵犯二廣廣西猶有峒丁弩手兵將之屬可以控遏廣東兵力實爲單弱難

於支吾今雖已降指揮令岳飛統率諸頭項人馬迫  
襲掩擊竊慮岳飛所率兵數不多錢糧闕乏未必能  
濟非得韓世忠統率大兵前去措置應援及將福建  
江西荆湖宣撫司剗刷到諸路錢糧通融應副深恐  
未能早見招捕了當今欲乞自朝廷近降指揮令韓  
世忠相度如大兵目今已在湖南及筠袁間卽由南  
安南雄英韶路順流以趨廣州可以遏賊之衝令岳  
飛統率軍馬由道賀追襲其後臣如蒙朝廷應副畫  
一內所踏逐兵勾抽齊集亦可以由虔吉英韶前去

梁谿全集

卷五

九

封康循惠間隨宜措置禦賊奔逆與之協力進討不  
數月間須見了當却由便路趨湖南措置其餘盜賊  
不難平定候勅旨令檢會樞密院奏勸會據探報曹  
成賊馬占據賀州侵犯昭連州界作過已降指揮令  
岳飛取徑路前去廣南併力追襲近約程宣撫司入  
馬已到湖南閩四月二十四日又降指揮令宣撫司  
斟量賊勢如岳飛孤軍難以破敵卽疾速分撥人馬  
前去策應務要剿除淨盡保全二廣仍劄與李綱疾  
速由廣東前去保護水路及令宣撫司期約廣西許

中起發本路軍兵及峒丁等併力會合掩殺去訖續  
據宣撫司申明廣南東路係李綱路分未委合與不  
合措置已劄下本司自合不拘路分依已降指揮節  
制諸軍量度賊勢遣發軍馬竭力措置外五月二日  
三省樞密院同奉聖旨曹成係在湖南作過透入廣  
東西路其本路宣撫司自合襲逐討殺與李綱協力  
共同措置劄與李綱孟庠韓世忠照會右奉聖旨令  
孟庠韓世忠依已降指揮火速追襲討殺救護二廣  
無令侵壞州縣如遣發軍馬不能尅日殄滅大寇卽  
梁谿全集 卷之十  
本司自合躬親前去務要日近平定逐旋具追殺次第  
奏聞仍劄李綱依累降指揮處分疾速往廣東置司  
捍寇其兩司措置事宜並須互相關報無致抵牾臣  
已遵稟聖旨指揮及關報孟庠韓世忠照會施行外  
須至奏聞者

右臣契勘近累具奏以曹成侵犯二廣賊衆浩瀚事  
勢危急乞自朝廷降指揮令韓世忠統率精銳軍馬  
一二萬人不拘路分前去措置追捕及令福建江西  
荆湖宣撫司將劄刷到逐路財用照會分撥往二廣

人兵椿辦一兩月錢糧隨軍前去支遣今准前項聖

契作此

旨指揮仰見睿慈以二廣事宜留神經畫如契然臣竊謂令福建江西荆湖宣撫使移司往廣東不若止令韓世忠總兵前去之爲得策移司則一行軍兵官吏輜重之屬皆須隨行遷徙旣難費用不貲深慮二廣偏重倉卒應副難以責辦或致闕乏若止令世忠摘那精銳人馬量帶輕齎前去可以乘機破賊事畢卽還本司不致勞費實爲便利伏望更賜詳酌指揮施行臣嘗備位近司仰荷知遇委任之重苟有所見不敢不竭盡區區之愚至於取舍則合取自聖裁冒瀆天聽無任戰越之至

再乞差辛企宗等軍馬奏狀

梁谿全集

卷五

七

准樞密院六月九日劄子准御前金字牌降下樞密院奏勘會曹成已自桂陽監人江西聽福建等路宣撫司招撫其荆湖廣南宣撫使李綱依元降指揮便可徑赴潭州新任奉聖旨令李綱將帶軍馬取徑路往潭州之任仍令孟庾韓世忠疾速措置湖南事宜交割與李綱訖發來赴行在其韓世忠軍馬令於建

庚府駐劄仰世忠量帶親兵前來奏事劄送臣疾迷  
施行具知稟申樞密院臣已遵依聖旨指揮自建昌  
軍南豐縣取徑路由虔州前去潭州之任須至奏聞  
者

右臣契勘昨奉聖旨令候孟庾韓世忠措置荆湖南  
北路盜賊了日前去之任今來兩路盜賊除曹成一  
項賊馬爲岳飛殺敗并殘黨乞就宣撫司招安外其  
餘盜賊劉忠李宏楊華楊么郎雷進及鍾相殘黨等  
萬數浩瀚尚未會措置討捕聞欲秋涼方行進兵及  
梁谿全集

卷六

七

馬友下人兵見在潭州亦未曾措置差撥放散今准  
前項聖旨令孟庾韓世忠疾速措置湖南交割與臣  
發赴行在竊慮逐項盜賊非日下措置可了孟庾韓  
世忠得赴行在指揮逐急便行交割將帶重兵起離  
前去臣所得兵正是任仕安一項軍馬二千七百餘  
人近雖撥到辛企閻臬下兵緣逐軍已爲孟庾韓  
世忠分撥及時暫抽差前去見存數目不多其近撥到  
韓京吳錫吳全等兵今來又准樞密院劄子撥隨岳  
飛往江州屯駐委是勢力單弱難以措置彈壓竊慮

盜賊窺覩無所忌憚依前猖獗爲兩路之患虛負罪責臨時難以申陳伏望聖慈特降睿旨更賜詳酌指揮施行

乞令岳飛且在潭州駐劄仍乞令撥還韓世忠

軍馬奏狀

准樞密院六月九日劄子准御前降下金字牌樞密院奏勘會已降指揮令岳飛候平定曹成日將帶本部軍馬來行在及韓京吳錫吳全軍馬令岳飛交割與李綱使喚今來已破曹成及已降指揮令李綱取徑路往潭州之任緣江州係緊切控扼合屯重兵去處奉聖旨令岳飛將帶本部并韓京吳錫吳全等軍馬來江州駐劄仍疾速開具掩殺曹成賊馬有功官兵保明奏聞當議推恩及令李綱勾抽程昌禹下杜湛所統八千餘人使喚劄送臣疾速施行臣已恭依聖旨指揮施行外須至奏聞者

梁竊全集

卷五

七

右臣契勘荆湖兩路係東南上流之地累年爲盜賊侵擾往往占據州縣不復知有朝廷如馬友見在潭州雖號稍知順逆之勢不敢猖獗然亦擅置官吏分

兵近郡肆意誅求民不聊生蓋緣本路人闕帥臣別後差除多不到任全無正兵彈壓故敢如此近蒙朝廷差親衛大夫建州觀察使岳飛權知潭州兼本路安撫使馬步軍都總管將帶一行軍兵前來湖南日緣追捕曹成未曾到任今來岳飛討殺曹成將欲了當又准前項聖旨指揮令往江州駐劄竊緣本路盜賊頭項衆多如劉忠李宏楊華楊么郎雷進及鍾相殘黨等多者數萬少者不下萬人馬友見在長沙兵

數號稱十萬其實亦須五七萬人非得素有名望威

梁谿全集

卷六

十四

略顯著近上武臣統率重兵不能討捕彈壓放散今來韓世忠兵既有聖旨指揮前去建康府駐劄其岳飛又令將帶軍馬往江州屯駐卽是本路名將重兵頓去無有留者竊慮賊盜窺見朝廷事勢無所畏懼依前放肆爲患不細臣雖係前宰相誤蒙恩除四路宣撫使兼本路安撫使緣所得兵數不多無近上武臣爲之副貳難以彈壓安知馬友不忌臣之來如唐藩鎮往往不納師臣或致戕害者多矣况劉忠李宏楊華雷進之徒皆係劇賊孟庾韓世忠將帶重兵自

到荆湖未曾措置今來遽將職事交割與臣何以善  
後近奉樞密院劄子差到韓京吳錫吳全三項軍馬  
文字到司纔兩日間又准今來指揮令隨逐岳飛前  
去雖蒙撥到程昌禹下杜湛所統八千餘人其人係  
隨逐昌禹自蔡州前來鼎州亦係要害之地見有盜  
賊不可闕兵亦難全行勾抽其杜湛彭筠本係荆湖  
北路軍馬合聽臣節制指揮防秋之數若差那去韓  
京吳錫吳全等軍却分撥得杜湛彭筠軍馬於臣本

路全無增益有失指準伏望聖慈體念荆湖重地目  
梁谿全集

卷五

五

今盜賊除曹成一項將欲了當外其餘全未平定須  
得近上武臣措置招捕及將來防秋不可闕兵特降  
睿旨令岳飛依元降指揮依舊權知潭州兼權本路  
安撫使候臣到任交割職事令岳飛且於潭州駐劄  
聽臣節制一面措置分散馬友軍馬及討捕劉思李  
宏楊華楊么郎雷進及鍾相殘黨等庶幾韓世忠去  
後收拾後段不致闕人及將韓京吳錫吳全等兵依  
前降指揮撥付臣使喚庶幾將來防秋不致闕事臣

仰荷聖恩起於罪廢之餘付以四路重寄夙夜震悚

惟恐不能稱副委任之意苟有愚見不敢不盡陳述  
干冒天聽無任惶懼待罪之至

小帖子

臣看詳樞密院劄子備奉聖旨指揮勾抽韓世  
忠兵前去建康府駐劄及令岳飛將帶軍馬屯  
駐江州與前後所降指揮頑然不同竊慮係是  
江北或有傳報之警欲爲防遏之計臣竊謂建  
康府路已有都督呂頤浩一行軍馬今來韓世  
忠又帶重兵前去勢似偏重岳飛前去江州又

梁谿全集

卷六

六

復端閑虛廢日月臣愚欲乞令韓世忠分撥近  
上統制官將兵萬人駐劄江州廣張聲勢以代  
岳飛權留岳飛駐劄潭州經畫兩路盜賊不數  
月間決可平定萬一沿江或有警急臣預行排  
辦舟船自潭州至江州順流不過數日可到臣  
當躬率本司軍馬與岳飛水陸並進以爲應援  
兩不相妨而於荆湖兩路爲利甚大措置羣盜  
可以永絕後患臣謂策無出於此者更望聖慈  
與二三大臣特賜詳酌速降指揮施行

臣竊觀自昔討捕盜賊必得功績已著之人盜賊畏威自然望風奔潰於討捕易爲功力今來岳飛破曹成十萬之衆羣盜皆已膽落若使稍留本路措置招捕功倍他日盜賊平定之後荆湖自此可以料理日爲防秋之計控扼上流實係國體如或失此機會羣盜猖獗郡縣又復殘破將來實難支吾伏望聖慈特賜鑒察施行

臣契勘馬友近與劉忠戰爲其所敗見今立敵收拾將士欲再舉兵必留岳飛本路駐劄使率

梁谿全集

卷六

七

馬友以討劉忠必能有功劉忠旣破之後朝廷量加旌賞馬友別與一處差遣使離潭州卽荆湖可無後患其餘羣盜亦可漸次招捕平定實爲利便伏望聖察

梁谿先生文集卷第六十九

特進觀文殿大學士致仕隴西郡開國公食邑  
四千四百戶食實封一千七百戶贈太師諡忠

定李綱著

奏議

乞差楊惟忠下胡友毛佐軍馬奏狀

乞令福建等路宣撫司通融應副錢糧奏狀

乞催江東安撫大使司差那兵將會合捉殺姚

達奏狀

梁谿全集卷六十九

乞且於衡州駐劄候福建本路宣撫司班師前

去之任奏狀

乞撥還韓京等及胡友等兩項軍馬奏狀

奏狀

定李綱著

四千四百戶食實封一千七百戶贈太師諡忠

特進觀文殿大學士致仕隴西郡開國公食邑

梁谿先生文集卷第六十九

乞差楊惟忠下胡友毛佐軍馬奏狀

右臣昨准尚書省劄子奉聖旨許依呂頤浩昨任江東安撫大使日晝一指揮數內一項踏逐差兵二萬人臣已遵依聖旨指揮先次踏逐辛企宗閩寧朱師閔郝最李山五頭項軍馬約計八千餘人近准朝廷備坐到聖旨指揮除朱師閔係已差充神武中軍郝最係孟庾已踏逐充親兵李山差出幹事所有辛企宗閩寧下人兵除隨逐孟庾韓世忠往湖南外其見在辛企宗下人兵撥付臣使喚近據辛企宗申閩寧下

梁谿全集

卷六

二

人兵約二千餘人盡數已爲韓世忠分撥隸諸統制官下臣已奏乞更不抽差外前件踏逐五項人兵只得辛企宗一項又多逃散之數委是單少雖蒙朝廷差到張忠彥人兵內多冗濫又須揀汰亦是人數不多今踏逐到楊惟忠下有軍馬八九千人見在江西路內統領官胡友毛佐部領三千餘人在袁州虔州就糧其餘人數並在洪州駐劄今來楊惟忠已是身故上項軍馬未曾撥隸見係李回權行拘管欲乞盡數撥付臣使喚如或朝廷別有差使去處亦乞於數

內輟那胡友毛佐兩項又兵三千餘人逐急差撥付  
臣黏充二萬之數候臣所乞諸處軍馬齊集見得少  
剩的寔數目續具申陳伏望聖慈特降睿旨施行

乞令福建等路宣撫司通融應副錢糧奏狀

淮樞密院五月十八日劄子荆湖廣南路宣撫使李  
某奏內一項臣所領荆湖宣撫職中事與福建江西  
荆湖宣撫使司軍馬事體一同於用錢糧理合通融  
應副不分彼此今來福建江西荆湖宣撫使副一行  
軍馬先到江西并荆湖路分所有逐路州縣錢米並  
梁谿全集 卷之九 三

係先次剗刷拘收若不通融應副支給竊恐臣所經  
由州縣及到湖南路軍兵官吏批請及安泊老小州  
縣無可應副緩急闕絕誤事欲乞朝廷指揮若孟庾  
韓世忠未班師以前已剗刷下江西荆湖路諸州縣  
錢糧聽兩司軍馬通融應副支給班師之後錢糧餘  
剩及以前朝廷支撥并別路取撥到錢米銀絹祠部  
官告等餘剩之數並乞椿留撥付本司所貴就近應  
副免致疊有申奏陳乞紊煩朝廷亦恐往返遲緩不  
能及事奉聖旨令孟庾韓世忠候撫定荆湖南北盜

賊班師日量度合用數外盡數留與李綱劄送臣照  
會施行臣已關送福建江西荆湖宣撫司恭依聖旨  
指揮施行須至奏聞者

右臣契勘昨奉聖旨令臣往廣東置司捍寇候孟庾  
韓世忠撫定盜賊了當日前去潭州之任今准近降  
聖旨將帶軍馬取徑路往潭州之任仍令孟庾韓世  
忠疾速措置湖南事宜交割與臣訖發赴行在竊緣  
湖南北路盜賊除曹成一項將欲了當外其餘並未  
曾措置竊慮孟庾韓世忠得召赴行在措揮逐急將

梁谿全集

卷九

四

職事交割與臣所有招捕其餘盜賊及措置防秋等  
事全籍錢糧應副今來荆湖兩路已是闕乏雖已差  
官前去廣南東西路州郡剗刷緣道路遼遠卒急難  
得應手支遣全藉福建江西荆湖宣撫司遵依今來  
所降聖旨指揮將見管錢米銀絹官告度牒等除量  
留外盡數關送臣本司應副支用竊慮尚有執吝及  
別作名目支撥有失指準伏望聖慈特降睿旨下福  
建江西荆湖宣撫司體念國事不得輒分彼此逐一

開具名目關送臣本司以憑差官拘收訖具奏施行

庶幾不致闕誤

乞催江東安撫大使司差那兵將會合捉殺姚

達殘黨據福建路安撫司申姚達殘黨自汀州復

回邵武建昌軍界首藏泊作過臣已具奏聞乞候將

來起發于邵武建昌軍就近措置近准樞密院劄子

備奉聖旨姚達殘黨已劄付李光李回外令臣疾速

前去廣東今來徑由建昌軍竊見姚達殘黨首領余

照李寶等見在邵武建昌軍撫州三路界首藏泊作

過焚燒劫掠民被其害其姚達殘黨元自汀州回日

只有三百餘人今來擄掠百姓入火已及一千餘人

官兵聞敵互有勝負見今依據山險出沒不常除劉

洪道差統制官顏孝恭下軍馬會合捉殺其建昌軍

等處別無得力人兵可以彈壓今來劉洪道將欲發

赴鄂州竊慮將帶顏孝恭軍馬前去及安撫大使司

差兵未到間賊勢轉見猖獗臣已劄送劉洪道且留

顏孝恭下軍馬同建昌軍等處人兵會合捉殺候安

梁谿全集

卷六

五

撫大使司兵到日續行起發外伏望聖慈特降睿旨  
催督江東西路安撫大使司疾速差那兵將前來會  
合掩擊庶幾早見殄滅

乞且於衡州駐劄候福建等路宣撫司班師前  
去之任奏狀

右臣准福建等路宣撫使司開檢准紹興二年三月  
十八日樞密院劄子樞密院奏福建等路宣撫使司准  
樞密院劄子節文奉聖旨李綱除荆湖廣南路宣撫  
使兼知潭州逐路兵馬並聽節制勘會本司係宣撫

梁谿全集

卷六九

六

福建江西荆湖內荆湖今來又除李綱宣撫其本路  
軍旅錢糧并辟置官屬措置事務行移文字之類顯  
有相妨若不申明必致誤事伏望朝廷詳酌速賜施  
行候指揮右勘會福建江西荆湖南北路宣撫使司  
如到荆湖路應措置事務合從本司施行候將來本  
司班師回軍即合從李綱措置自不相妨奉聖旨劄  
與本司并李綱照會又准樞密院劄子勘會曹成賊  
馬侵犯廣南作過奉聖旨合李綱依已降指揮疾速  
往廣東置司捍寇候孟庾韓世忠撫定羣盜訖前去

潭州之任劄送臣疾速施行又准金字牌降劄子  
樞密院奏曹成賊馬已自桂陽監入江西聽福建等  
路宣撫司招撫其荆湖廣南路宣撫使李綱依元降  
指揮便可徑赴潭州新任奉聖旨令李綱將帶軍馬  
取徑路往潭州之任仍令孟庾韓世忠疾速措置湖  
南事宜交割與李綱訖發來赴行在劄送臣疾速施  
行臣已遵依聖旨指揮施行外契勒近聞孟庾見往  
湖南緣有前項疾速措置湖南事宜交割與臣訖發  
赴行在指揮竊恐孟庾未到潭州及雖到潭州措置

梁谿全集

卷五九

七

盜賊事宜未了間便離本路將本司職事交割與臣  
其韓世忠岳飛兩頭項重兵並各抽回建康府江州  
屯駐臣本司軍馬全然不多雖蒙撥到一兩項殘零  
人馬悉是烏合又無威望素著武臣總領若便依今  
來聖旨指揮徑赴潭州使荆湖羣盜窺見虛寔愈更  
偃蹇一有侵侮寔損國威當是時臣雖捐軀無補於  
事目今荆湖兩路盜賊除曹成一項殺敗有就招撫  
之意將欲了當外其餘劉忠李宏楊華楊么郎鍾相  
殘黨十數頭項萬數浩瀚若孟庾韓世忠措置未了

間便行交割岳飛又往江州重兵名將一旦俱去卽  
與前來候孟庾韓世忠撫定羣盜訖前去之任聖旨  
指揮大段不同今來孟庾韓世忠措置荆湖盜賊如  
或未了速要班師赴行在及往建康府駐劄朝廷防  
秋事體尤重若交割宣撫司職事臣恭體聖意不敢  
復有陳請外只乞依臣前奏存留岳飛一項軍馬且  
在本路措置招捕羣盜聽臣節制不數月間須見次  
第將來沿江或有警急自合發遣前去應援所有福  
建等路宣撫司錢糧并辟置州縣官等若孟庾韓世  
忠未起發間合與臣本司通融應副將來起發日自  
合依前降指揮交割與臣措置施行臣今一面起發  
建昌軍南豐縣由撫吉州前去相度若事勢別無阻  
礙欲乞且於衡永州駐泊候孟庾韓世忠班師回軍  
及朝廷降到指揮許合岳飛存留本路卽往潭州置  
司伏望聖慈特賜矜察早降睿旨施行使有遵守

小帖子

契勘孟庾韓世忠係福建江西荆湖南北路宣

撫使副專切措置荆湖兩路盜賊今來劉忠等

十數頭項多在荆湖南北路及兩路界首出沒作過並合措置撫定近金字牌降到聖旨指揮催促孟庾韓世忠疾速措置湖南事宜却不該載荆湖南北兩路竊慮孟庾韓世忠執此指揮只據湖南時下撫定即便交割與臣致朝廷不見得湖北兩界首所有劇賊十數頭項未了併與岳飛一項軍馬盡行起發則兩路更無重兵決須誤事伏乞檢照前後所降指揮明賜處分施行

梁谿全集

卷之九

九

乞撥還韓京等及胡友等兩項軍馬奏狀

今月初二日申時准內侍省發到金字牌御前寔封文字樞密院劄子樞密院奏勅會李綱依元申請畫一指揮差撥軍馬二萬人今來朝廷已節次應副差撥過

馬準陳照任仕安共二千七百餘人張忠彥四千人杜湛八千人郝晟二千九百人辛企宗四千餘人共計二萬一千六百餘人今來已過元乞數目奉聖旨劄與李綱照會仍依已降指揮疾速取徑路前去潭州之任具已起發及到任日時奏聞

劉送臣疾速施行臣已恭依聖旨施行外須至奏聞者

右臣契勘昨聖旨差到統制官任仕安并統領官李建陳照馬準下兵共計二千七百餘人及今來指揮依臣踏逐於福建等路宜撫司盡數撥到辛企宗下人兵共計四千餘人及郝最下兵二千九百餘人據郝最狀申見統官兵寔計二千八十四人馬六十七匹前件三項人兵共計八千七百八十四人其朝廷差到不係臣踏逐杜漚下人兵八千人張忠彥下四

梁谿全集

卷之九

十

千人勘會昨據程昌禹申杜漚下人兵只計二千餘人元係蔡州將兵隨逐程昌禹前來鼎州後來招到劉超下彭筠一頭項軍馬五千餘人共計約八千人已有指揮依舊聽昌禹使喚兼鼎州係控扼要害去處窳恐難以全行勾抽及張忠彥軍馬係是烏合冗濫之人朝廷見有指揮令痛行沙汰及未知見今存在去處難以指準此兩項軍馬臣欲乞令別聽朝廷差使所有元降畫一指揮許臣踏逐差兵二萬人除已有任仕安辛企宗郝最三項人兵共計八千七

百八十四人外尚欠一萬一千二百一十六人欲望聖慈特降睿旨檢會臣累奏乞將朝廷已差韓京吳錫吳全三項軍馬共計二千七百餘人依舊撥還付臣本司及臣近奏乞差楊惟忠下統領官胡友毛佐人兵三千餘人充填闕數外其餘見少六千餘人容臣續行踏逐陳乞施行庶幾招捕盜賊措置防秋不致闕誤

小帖子

臣契勘朝廷元降指揮許依江東安撫大使例

梁谿全集

卷六九

十一

差兵二萬人緣荆湖兩路界分闕遠非江東一路之比其上件差兵二萬人如足元數猶恐俵布控扼使喚不足今來所乞存留岳飛一項軍馬於本路駐劄係在二萬人數外蓋欲藉其威名措置盜賊早見了當及防秋已迫緩急可以倚仗朝廷如以所乞在二萬人數之外卽乞除臣今來所乞撥還韓京吳錫吳全及踏逐差胡友毛佐人兵外尚闕六千餘人未行差撥伏乞

照會施行

梁溪先生文集卷第六十九

梁谿全集

卷六十九

主

梁谿先生文集卷六十九

梁谿先生文集卷六十九

梁谿先生文集卷六十九

馬於不詳對制或在二萬人數外諸將領

名指置論賊早免了當及所執已其

簡伏朝廷知以所乞在三萬人數之外即行

臣今來所乞擬進韓京與韓具全及路運去

友君佐入兵外尚調六千餘人未行及

明會行

0856

0820

